

十誦律卷第五十八

廿八

姚秦三藏佛若多羅共三藏鳩摩羅什譯

善誦第十誦之四

殺戒初

佛在婆耆國婆求沫河邊佛與婆求沫諸比丘結不殺戒言先作無罪是諸比丘生疑悔

我多爲諸比丘讚歎死令發死心而殺不知何時是先佛言未結戒前婆求沫諸比丘一切時不犯故說先作無罪有一比丘以非人想殺人是比丘生疑我將無得波羅夷耶是事白佛佛言人作人想殺得波羅夷人作非人想殺得波羅夷人中生疑殺得波羅夷非人非人想殺得偷蘭遮非人人想殺得偷蘭遮非人中生疑殺得偷蘭遮有一比丘父來病有相識比丘來問訊病人言鋟刀與我比丘言用作何等病人言但與我來即持刀與病人得刀持入房坐牀以自割咽是相識比丘過五六日已生疑是病人持刀入房五六

日不出不還我刀爲作何等即入房看見病比丘死刀在地是比丘作是念病人死是我因緣若彼索刀我不與者則不死是比丘生疑我將無得波羅夷耶是事白佛佛言無罪從今日不應令病人得刀若令得刀得突吉羅有比丘常入出一居士舍是比丘早起著衣持鉢入居士舍居士行不在其婦爲敷座處坐已共相問訊小默然已語比丘言共作姪欲來比丘言莫作是語汝夫甚惡婦言我能令善比丘出後即與夫毒藥是居士食即死後時比丘著衣持鉢復到居士舍是婦與敷座處坐已共相問訊小默然已語比丘言作姪欲來比丘言姊莫作是語我斷姪欲人彼言汝先不語我是斷姪欲人我爲汝故殺夫而今方言我斷姪欲人耶比丘言我不教汝殺夫彼言汝先言我夫甚惡比丘言我但言汝夫惡性不教汝殺是比丘生疑我將無得波羅夷耶是事白佛佛言無罪有一比丘

常入出一居士舍是比丘中前著衣持鉢入居士舍居士病婦語比丘言共作姪欲來比丘言汝夫病云何作是語答言我能令無病比丘出後婦即以毒藥殺夫比丘後時復著衣持鉢到其舍婦言作姪欲來比丘言我斷姪欲人汝莫作是語其婦言我爲汝故殺夫廿

汝今云何方言我斷姪欲人比丘言我不教汝殺夫我言汝夫病云何作此言是比丘生疑以是白佛佛言無罪比丘殺心打人是人若死得波羅夷若不死得偷蘭遮比丘以殺心打人是人未死頃比丘若狂若返戒得偷蘭遮比丘瞋母墮胎若母死得波羅夷若兒死偷蘭遮若俱死得波羅夷俱不死得偷蘭遮若瞋兒故墮母胎若兒死得波羅夷若母死得偷蘭遮若俱死得波羅夷俱不死得偷蘭遮比丘墮他胎是人死已產出得偷蘭遮若胎是鬼死已產出得偷蘭遮若胎是畜生死已產出得波逸提比丘尼亦如是有一比

丘病語看病人言我欲得蘇毗羅漿看病即與飲已便死是比丘生疑我將無得波羅夷耶是事白佛佛言無罪有一梵志病疥搔到諸比丘所言我若得蘇毗羅漿當得差比丘言汝是貧窮乞兒腹中常空何故生此瘡答言我曾有是瘡飲是漿得差比丘與漿飲已便死是比丘生疑我將無得波羅夷耶是事白佛佛言無罪有一人貫在木頭極受苦惱有一家間比丘到死人處觀無常見此人比丘言若我得蘇毗羅漿當得活此比丘即與飲已便死比丘生疑我將無得波羅夷耶是事白佛佛言無罪有一人被截手

廿足著祇洹塹中諸比丘尼爲聽法故來到祇洹聞是人啼哭聲女人輕躁便往就觀共相語言若有能與是人藥使得時死者則不父受苦惱中有一愚直比丘尼與蘇毗羅漿是人即死諸比丘尼語言汝得波羅夷是比丘尼言何以故答言汝若不與是人漿是人不

死是比丘尼生疑我將無得波羅夷耶是事白佛佛知故問汝以何心與比丘尼言我欲令早死不久受苦故與佛言是人死時汝即得波羅夷阿羅毗國僧房中起新舍比丘在上作手中擊墮木師頭上便死是比丘生疑我將無得波羅夷耶是事白佛佛言無罪從今日作應一心好觀下復有阿羅毗國僧房中起新舍比丘在上作斧墮殺木師比丘生疑我將無得波羅夷耶是事白佛佛言無罪從今日作應一心好觀下復有阿羅毗國僧房中起浴室挽杖上比丘少杖重捉不禁杖隨殺木師諸比丘生疑我將無得波羅夷耶

是事白佛佛知故問汝以何心比丘言人少杖重力不禁故失杖佛言無罪從今日當一心好觀下復有阿羅毗國作浴室故挽梁上比丘少梁重捉不禁故梁墮殺木師諸比丘生疑我將無得波羅夷是事白佛佛知故問汝以何心比丘言諸比丘少杖梁重捉不禁

故失佛言無罪從今日作當一心觀莫令殺人若人少不應挽重物阿羅毗國覆浴室故囊成泥牽上繩斷殺木師諸比丘生疑我將無得波羅夷耶是事白佛佛言無罪從今日作應好用心莫令殺人有一比丘山上坐禪更有一比丘在上推石墮坐禪比丘頭上即死比丘生疑我將無得波羅夷耶是事白佛佛言無罪從今日欲推石時當唱言石來石來有一比丘牛羣中行有惡特牛遂欲觸比丘比丘走墮一小兒上小兒即死比丘生疑我將無得波羅夷耶是事白佛佛言無罪從今日安詳牛羣中行有一比丘病久羸瘦脊

共四

癟作是念我何用是活今可自投深坑死即自投坑坑中先有野干噉死人比丘墮上野干死比丘脊得直是比丘生疑我將無得波逸提耶是事白佛佛言無罪從今日莫以小因緣便自殺有一比丘暖處坐以衣自覆有餘比丘喚言起起是比丘言勿喚我起我起

便死餘比丘復重喚言起起便即死是比丘
生疑我將無得波羅夷耶是事白佛佛言不
得波羅夷得偷蘭遮比丘狂以殺心打他若
是人死得波羅夷若不死得偷蘭遮有一比
丘病久看病比丘看視故作是念我看來久
是病人不死不差今不能復看置令死是看
病人便不看故病人便死是看病比丘生疑
我將無得波羅夷耶是事白佛佛言不得波
羅夷得偷蘭遮有一比丘病多有衣鉢財物
看病人瞻視來久作如是念我今不復能看
置令死財物當入衆僧分更不看故病人便
死是比丘生疑我將無得波羅夷耶是事白
佛佛言不得波羅夷得偷蘭遮有一比丘食
不消故以厚衣被自纏裹坐坐一處有餘比
丘來喚言起答言莫喚我起我起當死餘比
丘重喚言起起便即死是比丘生疑我將無
得波羅夷耶是事白佛佛言不得波羅夷得
偷蘭遮有一比丘齋瘡未熟有一比丘來破

其

五

是比丘即死是比丘生疑我將無得波羅夷
耶是事白佛佛言若齋瘡未熟被人死得偷
蘭遮若破熟齋瘡死無罪有一比丘病看病人
久與求隨病飲食不能得語病人言我久為
汝求隨病飲食不能得今趣得食便歟是病
人趣得食故便死是比丘生疑我將無得
波羅夷耶是事白佛佛言不得波羅夷得偷
蘭遮有一比丘病看病人為多求藥而不能
得是看病人到病人所言我為汝故求隨病
藥而不能得汝今趣得藥當服是病人趣得
便服即死是比丘生疑我將無得波羅夷耶
是事白佛佛言若趣與藥死者得偷蘭遮若
與隨病藥死無罪有一比丘病語看病人言
汝扶我起扶我坐與我著衣扶我出房坐與
我洗浴與我著衣將我日中將我陰中還將
我房中令我坐令我卧是比丘即便死看病
比丘生疑我將無得波羅夷耶是事白佛佛
言無罪坐禪比丘睡行禪比丘以法杖觸令

覺即便死是比丘生疑我將無得波羅夷耶
是事白佛佛言是比丘刀風發若觸若不觸
必當死故無罪坐禪比丘睡行禪比丘以綿
毬擲令覺即便死是比丘生疑我將無得波
羅夷耶是事白佛佛言是比丘刀風發若擲
若不擲必當死故無罪坐禪比丘睡有一比

丘持水灌頭令覺即死是比丘生疑我將無
得波羅夷耶是事白佛佛言是比丘刀風發
若灌若不灌必當死故無罪十七羣衆中有
一小兒喜笑諸比丘捉擊擰令大笑故便死
是比丘生疑我將無得波羅夷耶是事白佛
佛知故問汝以何心答言以戲笑故擊擰大

笑故便死佛言無罪從今日不應擊擰人若
擊擰得波逸提有一居士得新穀菜先與衆
僧後自歟有一阿蘭若比丘常入出此居士
舍是阿蘭若中前著衣持鉢入居士舍至坐
處坐共相問訊是居士見阿蘭若作是念是
新穀新菜當與此阿蘭若不與衆僧即持與

廿八

阿蘭若比丘諸比丘生念此居士常得新穀
新菜先與衆僧然後自食今歲何以不與衆
僧耶諸比丘自相問言誰是彼舍入出比丘
有比丘言有一阿蘭若比丘常入出其舍必
當是彼所遮諸比丘言喚是阿蘭若比丘來
比丘來已諸比丘語言某甲居士歲歲常持
新穀新菜先與衆僧然後自食今歲不與必
是汝遮答言何故遮諸比丘言此比丘不肯
直首當以兩木押取其辭押時便死諸比丘
生疑我將無得波羅夷耶是事白佛佛言不
得波羅夷得偷蘭遮有一居士常與衆僧安
居起衣有一阿蘭若常入出其舍是比丘中

前著衣持鉢入居士舍至坐處坐共相問訊
居士見已作是念是衣我當與是阿蘭若不
與衆僧念已即持衣與是比丘諸比丘作如
是念某甲居士常與衆僧安居衣今歲何故
不與共相問言誰是彼舍常入出比丘有比
丘言有一阿蘭若比丘常入出其舍必是阿

蘭若所遮諸比丘言喚是比丘來來已諸比丘問言某甲居士歲歲常與安居僧衣今歲不與必是汝遮答言我何以故遮諸比丘言此比丘必不肯直首當擲著池中著時即死諸比丘生疑我將無得波羅夷耶是事白佛佛言不得波羅夷得偷蘭遮有一乞食比丘

廿八

七

中前著衣持鉢入舍衛城乞食遊行乞食時到一多人鬧處門中擲衣角觸木杵木杵倒壓殺一小兒比丘生疑我將無得波羅夷耶是事白佛佛言無罪從今日乞食時當一心觀前後有一乞食比丘中前著衣持鉢入舍衛城乞食遊行諸處到一婆羅門舍是舍主晨朝洗頭洗身著新白衣在中門間坐上座比丘在門下立彈指婆羅門聞彈指聲即出看見比丘即生惡心作是念我未祠天未祠云父母親里禿道人著壞色弊衣斷種人先來從我乞食以瞋心椎胷令去比丘倒一小兒上小兒即死是比丘生疑我將無得波羅

夷耶是事白佛佛言無罪從今日乞食時當一心觀前後有比丘有拍病呪術拍一人頭即時死是比丘生疑我將無得波羅夷耶是事白佛佛言無罪從今日欲拍時當徐徐莫令死有一比丘食時嗜一比丘與椎頸所噎食并血來出即時便死是比丘生疑我將無得波羅夷耶是事白佛佛言無罪從今日當安徐椎但食出莫令死迦留陀夷常入出一家中前著衣持鉢往到其舍是家有婦人乳兒早起持兒著牀上以白疊覆捨去迦留陀夷門下立彈指婦人出看見迦留陀夷言大德坐此牀迦留陀夷不觀便坐小兒上小兒

大喚婦人言此中有小兒小兒迦留陀夷身重坐時小兒即死腸出迦留陀夷作是事已還到寺中語諸比丘我今日作如是事諸比丘以是事白佛佛知故問汝以何心作是事世尊我先不觀是牀便坐佛言無罪從今日牀榻坐處常好看然後坐若不看坐得突吉

羅偷羅難陀比丘尼亦如是復有父子二比

丘共遊行憍薩羅國欲詣舍衛城日暮是中
有險道未度兒語父言是中有險道當疾行
過即從兒語疾行即乏死兒比丘生疑我將
無得波羅夷并逆罪耶是事白佛佛知故問
汝以何心語兒比丘言日暮恐不過險道我

其

以恩愛心語令疾行時乏死佛言無罪從今

日莫以小因緣故日暮險道中行若已入險
道老比丘所擔物年少比丘應代擔應語言
我若前去汝當於後來是時諸比丘便生疑
云何比丘殺父不得波羅夷及逆罪耶佛知
諸比丘心所念爲說本生諸比丘有過去世

死時此樹神說偈言
寧爲智者仇 不與無智親 愚爲父害蚊
蚊去破父頭

不得波羅夷及逆罪

有父子二比丘遊行憍薩羅國欲到舍衛國
至一無僧伽藍聚落中見語父言今於何處
宿父言此聚落中宿兒言此聚落中白衣住
處若我在中宿與此何異父言當何處宿兒
言當此空地宿父言此中有虎畏苦我睡時

其

汝不當睡答言爾父即卧睡有鼾聲虎聞便
來齧父頭父便大喚兒見父頭破父因是即
死兒比丘生疑父由我故死父欲在聚落中
宿我若用父教者父則不死我欲空地卧故
令父死我將無得波羅夷并逆罪耶是事白
佛佛言無罪應當大喚然火怖虎令去比丘
即持大棒欲打蚊子蚊子飛去捧著父頭即

以殺心遣使殺某甲人是人若死是比丘得波羅夷若不死得偷蘭遮有比丘殺一獮猴諸比丘言汝得波羅夷是比丘言何以故諸比丘言獮猴似人若殺與人何異是比丘生疑我將無得波羅夷耶是事白佛佛言不得波羅夷得波逸提諸比丘遊行憍薩羅國向舍衛城見一空寺入中觀看見卧具牀榻金鑊瓮器斗斛瓶瓮衆僧生活物無所乏少自相謂言我等何不是中安居餘比丘告言隨意是中安居已立制我等三月過不自恣到八月當自恣夏末月布施物我等當得夏末八月賊發時賊作是念何處有不須器仗鬪戰而得錢物耶作是念已共相謂言當奪沙門釋子物賊即來圍遶是寺是僧中有比丘得神通力亦有本是大力士及本是大射家子是諸比丘作是念我等以好心出家不應與賊共鬭作是念已默然住賊來劫奪衣被今皆裸露諸佛常法一時大會集諸弟子一

春末月二夏末月春末月處方處處國土諸比丘來至佛所佛與我等說法我等三月安居中當念修習是初大會爲聽法故夏末月自恣竟作衣畢持衣鉢到佛所作是念我等父不見佛出尊是第二大會爲見佛故是被賊比丘自恣已作衣竟持衣鉢向舍衛到佛所頂禮佛足在一面坐諸佛常法客比丘至以喪語勞問如是言汝忍不足不安樂住不乞食不乏道路不疲耶爾時佛以如是語勞問諸比丘汝忍不足不安樂住不乞食不乏道路不疲耶諸比丘言世尊我等忍足安樂住乞食不乏道路不疲具以上事向佛廣說

廿六
十

佛即以是因緣故集僧集僧作種種因緣讚戒讚持戒讚戒讚持戒已語諸比丘汝等賊來時應作大音聲擊鍾振鈴令賊怖畏諸比丘從佛聞是事見是過罪後歲還本處安居已還復立制我等本應三月自恣當到八月自恣爲夏末月得安居施物用故夏末

八月如本賊發時賊作是念何處當有不須
器仗鬪戰而得錢物耶作是念沙門釋子不
與人鬭我當往劫取財物念已即往園達僧
房諸比丘先備防賊具賊來已即入房舍閉
門下居上樓閣上作大音聲恐怖諸賊擊鍾
振鈴有二比丘闇中擲石恐怖石墮殺賊是
兩比丘自相謂言我與汝俱放石不知誰石
殺賊即生疑我將無得波羅夷耶是事白佛
佛言無罪放石時應唱言石下石下三波羅夷意
佛在毗耶離婆求沫河邊佛與婆求沫諸比
丘結戒言先作無罪是諸比丘作是念我等
多時空無過人法妄語不知何者是先何者
非先心生疑悔是事白佛佛言未結戒前婆
求沫諸比丘一切時不犯是故先作無罪比
丘人前作非人想自說得過人法是比丘生
疑我將無得波羅夷耶是事白佛佛言人中
生人想得波羅夷人中生非人想得波羅夷
人中生疑得波羅夷非人中生非人想得偷

廿八

蘭遮非人中生人想得偷蘭遮非人中生疑
得偷蘭遮有比丘居士前自稱得過人法是
居士不解居士言大德何所道比丘言置不
須問是比丘生疑我將無得波羅夷耶是事
白佛佛言不得波羅夷得偷蘭遮有人問比
丘言汝是阿羅漢不汝應受上座水上供養
不若默然受得偷蘭遮人問比丘言汝是婆
羅門除滅惡法不若默然受得偷蘭遮人問
比丘言汝好守六根門不若默然受得偷蘭
遮人問比丘言汝若是阿羅漢便受是衣被
若默然受得偷蘭遮飲食湯藥資生之具亦
如是比丘常入出一居士家是比丘中前著
衣持鉢到是居士舍居士出在門下立言請
是阿羅漢入我念坐處坐手受水受飲食受
已呪願呪願已去若是比丘默然入坐飲食
呪願呪願已去得偷蘭遮有一比丘常入出
一居士家是比丘中前著衣持鉢到其舍居
士出在門下立言大德若是阿羅漢便入比

丘若言我非阿羅漢若聽入當入若居士聽入無罪坐處坐受水飲食呪願出門亦如是一時目連語諸比丘從阿鼻地獄乃至阿迦尼吒天我能於中遍至身自在來往諸比丘言目連汝何有此事聲聞弟子身通極遠能至梵世汝空無過人法故妄語汝目連滅擯驅出是事問佛佛語諸比丘言汝等莫說目連是事罪過何以故若人依初禪善誦習如意足得神通是人則能從阿鼻地獄乃至阿迦尼吒天身自在往來若比丘依第二禪第三禪第四禪亦如是目連比丘依四禪善修如意足得大神通若欲從阿鼻地獄上至阿迦尼吒天於中身得往返自在目連語實無罪又一時目連語諸比丘言從阿鼻地獄乃至阿迦尼吒天其中衆生所有耳皆悉能聞諸比丘言目連汝何有此事聲聞弟子天耳極遠能聞上至梵世汝目連空無過人法妄語汝目連滅擯驅出是事問佛

十一

佛語諸比丘汝等莫說目連是事過罪何以故若有依初禪得天耳是人則能從阿鼻地獄乃至阿迦尼吒天其中音聲自在能聞若比丘依第二第三第四禪亦如是目連比丘依四禪善修天耳通若欲聞阿鼻地獄乃至阿迦尼吒天其中衆生所有音聲皆悉能聞目連實語無罪又一時目連語諸比丘言從阿鼻地獄乃至阿迦尼吒天其中衆生所有心念我能悉知諸比丘言目連汝何有此事聲聞弟子極遠能知乃至梵世汝空無過人法故妄語汝目連滅擯驅出是事問佛佛語諸比丘汝等莫說目連是事過罪何以故若比丘依初禪善修知他心通是人則能從阿鼻地獄乃至阿迦尼吒天其中衆生所有心念皆悉能知若比丘依第二第三第四禪亦如是目連比丘依四禪善修他心通若欲知從阿鼻地獄乃至阿迦尼吒天其中衆生所有心念皆悉能知目連語實無罪又一時目

連語諸比丘從阿鼻地獄乃至阿迦尼吒天
其中衆生宿命我悉能知諸比丘言目連汝
何有此事聲聞弟子宿命通極遠能知從阿
鼻地獄乃至梵天汝空無過人法故妄語汝
目連滅擯驅出是事問佛佛語諸比丘汝等
莫說目連是事過罪何以故若比丘依初禪

廿二

善修宿命通是人則能從阿鼻地獄乃至阿
迦尼吒天其中衆生所有宿命皆悉能知若
比丘依第二第三第四禪亦如是目連比丘
依四禪善修宿命通若阿鼻地獄上至阿迦
尼吒天其中衆生所有宿命皆悉能知目連
語實無罪又一時目連語諸比丘從阿鼻地
獄上至阿迦尼吒天其中所有衆生死此生
彼我以天眼悉能見之諸比丘言汝目連何
有此事聲聞弟子天眼極遠能見阿鼻地獄
乃至梵世汝空無過人法故妄語汝目連滅
擯驅出是事問佛佛語比丘汝等莫說目連
是事過罪何以故若比丘依初禪善修天眼

通是人則能從阿鼻地獄上至阿迦尼吒天
其中衆生死此生彼皆悉能見若人依第二
第三第四禪亦如是目連比丘依四禪善修
天眼通若從阿鼻地獄乃至阿迦尼吒天其
中衆生死此生彼皆悉能見目連語實無罪
又一時目連語諸比丘言若人求漏盡阿羅
漢梵行已立所作已辦捨於重擔逮得己利
盡諸有結正智已得解脫者則我身是何以
故我是阿羅漢漏盡乃至正智已得解脫諸
比丘言汝何有此事得阿羅漢漏盡乃至正
智已得解脫何以故目連多事多欲目連汝
空無過人法故妄語滅擯驅出是事問佛佛
語諸比丘汝等莫說目連是事過罪何以故
若人求漏盡阿羅漢漏盡梵行已立所作已辦
捨於重擔逮得己利盡諸有結正智已得解
脫者目連是也何以故目連實是阿羅漢漏
盡乃至正智已得解脫目連語實無罪又一
時目連語諸比丘我見有一衆生五百由旬

大火炎燒身虛空中來大喚啼哭極受苦切
諸比丘言何處有是衆生有如是大火炎汝
空無過人法故妄語目連滅擯驅出是事問
佛佛語諸比丘汝等莫說目連是事過罪何
以故我亦見是衆生五百由旬火炎燒身虛
空中來大喚啼哭極受苦切但不欲向餘人

古

說何以故畏人不信若人不信如來語長夜
受大衰惱目連語實無罪又一時目連語諸
比丘我見有一衆生五百夜叉鬼持五百斧
經五百日夜斫一肋是肋墮海水中海即擾
獨諸比丘言目連何處有如是衆生有如是
肋汝目連空無過人法故妄語汝目連滅擯
驅出是事問佛佛語諸比丘汝等莫說目連
是事過罪何以故我亦見是衆生五百夜叉
鬼持五百斧經五百日夜斫斷一肋墮海水
中海即擾濁而不欲向人說何以故畏人不
信若人不信如來語長夜受大衰惱目連語
實無罪又一時目連語諸比丘我見一衆生

身如一大木船頭如酒瓮喘息如雷聲眼睛
如憍薩羅大銅盂口中出舌如黑雲中掣電
諸比丘語目連言何處有此衆生汝目連空
無過人法故妄語汝目連滅擯驅出是事問
佛佛語諸比丘汝等莫說目連是事過罪何
以故我亦見是衆生身如一大木船頭如酒
瓮喘息如雷聲眼睛如憍薩羅大銅盂口中
出舌如黑雲中掣電如來而不欲向人說何
以故畏人不信若人不信如來語長夜受大
衰惱目連語實無罪又一時目連語諸比丘
北方有池名漫陀緊尼廣長五十由旬周圍
二百由旬底布金沙八功德水常滿其中甜

其

美如真蜜青黃赤白紅紫種種雜色蓮華遍
覆池上種種衆鳥哀聲相和甚可愛樂遶池
四邊種種華樹果樹諸比丘語目連何有如
此池汝空無過人法故妄語汝目連滅擯驅
出是事問佛佛語諸比丘汝等莫說目連是
事過罪何以故北方有是漫陀緊尼池縱廣

十五

五十由旬周圍二百由旬底布金沙八功德水常滿其中甜美如真蜜青黃赤白紅紫種種雜色蓮華覆遍池上種種衆鳥哀聲相和甚可愛樂遠他四邊種種華樹果樹目連語實無罪又一時目連在耆闍崛山中入虛空無色定善取入定相不善取出定相從三昧

起聞薩卑尼池岸上大象聲聞已還疾入三昧作是念我入三昧中聞是象聲從三昧起語諸比丘我一時在耆闍崛山中入虛空無色定聞薩卑尼池岸上象聲諸比丘語目連何有此理入虛空無色定中若見若聞無有是事何以故若人入無色定破壞色相捨離聲相故空無過人法故妄語汝目連滅擯驅出是事問佛佛語諸比丘汝等莫說目連是罪過何以故目連見先事不見後事如來亦見先亦見後目連在耆闍崛山中入識處無色定善取入定相不善取出定相從三昧起聞薩卑尼池岸上象聲已還疾入虛空

無色定便謂入定聞聲若人入無色定若見色聞聲無有是處何以故是人破壞色相捨離聲相故若目連空無過人法故妄語者亦無是處目連隨心想說無罪又一時目連在耆闍崛山中入識處無色定善取入定相不善取出定相從三昧起聞天城中諸天歌聲

聞已還疾入定作是念我在三昧中聞諸天歌聲從三昧起語諸比丘我一時在耆闍崛山入識處定聞天城中諸天歌聲諸比丘語目連何有此理入無色定而當見色聞聲耶何以故若人入無色定破壞色相捨離聲相汝空無過人法故作妄語汝目連滅擯驅出

廿八

十六

是事問佛佛語諸比丘汝等莫說目連是事過罪何以故目連見先事不見後事如來亦見前亦見後目連在耆闍崛山中入識處無色定善取入定相不善取出定相從三昧起聞天城中諸天歌聲聞已還疾入定便謂我入定聞聲若人入無色定若見色若聞聲無

有是處何以故是人破壞色相捨離聲相故目連空無過人法故妄語者亦無是處目連隨心想說無罪又一時目連在耆闍崛山中入無所有處無色定善取入定相不善取出定相從三昧起聞阿修羅城中阿修羅妓樂音聲聞已還疾入定作是念我在定中聞阿修羅城中妓樂音聲從定起已語諸比丘我一時在耆闍崛山中入無所有處無色定聞阿修羅城中阿修羅妓樂音聲諸比丘語目連何有此理入無色定而當見色聞聲耶何以故若人入無色定破壞色相捨離聲相汝空無過人法故作妄語汝目連滅擯驅出是事白佛佛語諸比丘汝等莫說目連是事過罪何以故目連見先事不見後事如來亦見前亦見後目連在耆闍崛山入無所有處無色定善取入定相不善取出定相從定起聞阿脩羅城中妓樂音聲聞已還疾入定便謂我入定聞聲若人入無色定若見色若聞聲

廿八

十一

無有是處何以故是人破壞色相捨離聲相故若目連空無過人法故妄語者亦無是處目連隨心想說無罪又一時目連語諸比丘北方有阿耨達池縱廣五十由旬周圍百五十由旬底有金沙八功德水常滿其中甜美如真蜜青黃赤白雜色蓮華遍覆水上種種衆鳥哀聲相和如音樂聲甚可愛樂達池四邊種種華樹果樹善住象王宮殿住處有八千象以爲眷屬若轉輪聖王出於世時八千象中最下小者出爲象寶給聖王乘諸比丘語汝目連滅擯驅出是事問佛佛語諸比丘汝等莫說目連是事過罪何以故北方有阿耨達池縱廣五十由旬周圍百五十由旬底有金沙八功德水常滿其中甜美如真蜜青黃赤白雜色蓮華遍覆水上種種衆鳥哀聲相和如音樂聲甚可愛樂達池四邊種種華樹果樹善住象王宮殿住處有八十象以爲

眷屬若轉輪聖王出於世時八千象中最下
小者出爲象寶給聖王乘目連語實無罪又
一時目連語諸比丘外大海內洲有明月山
婆羅醯馬王宮殿住處有八千馬以爲眷屬
若轉輪聖王出於世時八千馬中最下小者
出爲馬寶給聖王乘諸比丘言何有比處有
如此馬汝空無過人法故作妾語汝目連滅
擯驅出是事問佛佛語諸比丘汝等莫說目
連是事過罪何以故外大海內洲有明月山
婆羅醯馬王宮殿住處有八千馬以爲眷屬
若轉輪聖王出時八千馬中最下小者出爲
馬寶給聖王乘目連語實無罪又一時諸比
丘問目連是多浮池水從何處來目連答言
此水從阿耨達池中來諸比丘言阿耨達池
其水甜美有八功德此水沸熱鹹苦何有此
事目連汝空無過人法故作妾語汝目連滅
擯驅出是事問佛佛語諸比丘汝等莫說目
連過罪何以故阿耨達龍住處去此極遠是

廿八

十六

水本有八功德水甜美經歷五百小地獄上
來是故鹹熱汝等若問目連是水何故鹹熱
目連能隨相答汝目連實語無罪又一時目
連語諸比丘耆闍崛山山底有五百由旬池
池底有金沙八功德水充滿其中甜美如真
蜜青黃赤白雜色蓮華遍覆水上種種衆鳥
哀聲相和如音樂聲遶池四邊有種種華樹
果樹是摩那斯龍王宮殿諸比丘言何有是
池何有是龍汝空無過人法故作妾語汝目
連滅擯驅出佛聞是事語諸比丘汝等莫說
目連是事過罪何以故是耆闍崛山底有五
百由旬池底布金沙八功德水充滿其中甜
美如真蜜青黃赤白雜色蓮華遍覆水上種
種衆鳥哀聲相和如音樂聲遶池四邊有種
種華樹果樹是摩那斯龍王宮殿目連語實
無罪又一時目連語諸比丘三十三天有善
法堂堂有五百柱有一寶柱如毫毛許不到
礎上有寶樓是釋提桓因坐處衆華莊嚴其

邊皆諸天坐處亦以華莊嚴諸比丘語目連何有是事汝空無過人法故作妄語汝目連滅擯驅出佛聞是事語諸比丘汝等莫說目連是事過罪何以故忉利天上善法堂堂有五百柱有一寶柱如毫毛許不到礎上有寶樓是釋提桓因坐處衆華莊嚴其邊皆有諸

廿六

十五

天坐處亦以華莊嚴目連語實無罪又一時目連入定見跋耆夜叉與摩伽陀夜叉共闖跋耆夜叉破摩伽陀夜叉目連從三昧起語諸比丘跋耆人當破摩伽陀人後阿閻世王善將兵衆破跋耆人諸比丘語目連汝先言跋耆人當破摩伽陀人而今摩伽陀人破跋耆人當破摩伽陀人而今摩伽陀人破跋耆人汝空無過人法故妄語汝空無過人法故妄語汝目連滅擯驅出佛聞是事語諸比丘汝等莫說目連是事過罪何以故目連見前不見後如來見前亦見後是摩伽陀夜叉與跋耆夜叉共闖得勝破跋耆夜叉爾時摩伽陀人亦破跋耆人後阿閻世王更集兵衆共闖得勝目連

隨心想說無罪目連又復入定見摩伽陀夜叉與跋耆夜叉共闖摩伽陀夜叉破跋耆夜叉目連從三昧起語諸比丘摩伽陀人當破跋耆人後戰時跋耆人破摩伽陀人諸比丘語目連汝先言摩伽陀人當破跋耆人而今跋耆人破摩伽陀人汝空無過人法故妄語汝目連滅擯驅出佛聞是事語諸比丘汝等莫說目連是事過罪何以故目連見前不見後如來見前亦見後是摩伽陀夜叉與跋耆夜叉共闖得勝破跋耆夜叉爾時摩伽陀人亦破跋耆人後阿閻世王更集兵衆共闖得勝目連

又一時目連中前著衣持鉢入其舍居士與敷坐處共相問訊是家中有姪身婦人檀越問目連大德是此婦為生男為生女目連答言生男語已便去更有一梵志來入其舍主人問言此婦人為生男為生女梵志言生女是婦人便生女諸比丘語目連汝先說某居

士舍婦人生男今乃生女汝空無過人法故
妾語汝目連滅擯驅出佛聞是事語諸比丘
汝等莫說目連是事過罪何以故目連見前
不見後如來見前亦見後爾時此兒是男後
轉根爲女目連隨心想說無罪目連後相生
女亦如是又一時大旱無雨目連入定見却

廿八

後七日天當大雨滿諸溝坑城邑聚落悉聞
此言皆大歡喜國中人民皆捨衆務覆屏蓋
藏各各屈指過籌數日到第七日而風尚無
何況雨耶諸比丘語目連汝言七日天當大
雨滿諸溝坑今風向無何況雨耶汝空無過
人法故妾語汝目連滅擯驅出佛聞是事語

諸比丘汝等莫說目連是事是罪何以故目
連見前不見後如來見前亦見後七日有大
雨下有羅睺阿脩羅王以手接去置大海中
目連隨心想說無罪長老莎伽陀語諸比丘
我入禪定能令從阿鼻地獄上至阿迦尼吒
天滿其中火諸比丘言何有是事聲聞弟子

伽陀依止四禪善修如意足得大神通若念
從阿鼻地獄至阿迦尼吒天自在能滿中火
莎伽陀語實無罪長老輪毗陀語諸比丘我
能一念中識宿命五百劫事諸比丘語輪毗
陀何有是事聲聞弟子一念中極多能知一
世汝空無過人法故妾語汝輪毗陀滅擯驅

廿八

出佛聞是事語諸比丘汝等莫說輪毗陀是
事過罪何以故是輪毗陀前身從無想天命
終來至此間無想天壽五百劫以是故說一
念中知五百劫輪毗陀隨心想說無罪四波
羅夷竟

僧伽婆尸沙初

○

佛在舍衛國因迦留陀夷結戒先故作無罪長老迦留陀夷作是念生疑我多時出精不知何時是先是不先是事白佛佛言未結戒前善男子迦留陀夷一切時出精不犯故言先作無罪一比丘身不動便出精心生疑我將無得僧伽婆尸沙是事問佛佛言無罪毗舍伍鹿子母信衆僧兩手接足頭面作禮次到迦留陀夷接足作禮迦留陀夷即失精隨其願上優婆夷小却兩手拭精歡喜唱言我得大利我諸同學有如是多婬欲人亦能斷欲修梵行迦留陀夷生疑我將無得僧伽婆尸沙是事白佛佛言無罪若有如是多欲比丘應當裹繫有一比丘洗浴時失精心生疑我將無得僧伽婆尸沙耶佛言無罪有比丘洗浴時餘比丘與摩身即時失精心生疑我將無得僧伽婆尸沙耶佛言無罪有一比丘摩持男根時失精心生疑我將無得僧伽婆尸沙耶佛言若逆持失精得僧伽婆尸沙若

順持爲覆故失精無罪有一比丘邪念故失精心生疑我將無得僧伽婆尸沙耶佛言無罪有一比丘見端正色便失精心生疑我無得僧伽婆尸沙耶佛言無罪比丘若爲女人捉手捉腳捉膝捉脯故比丘失精心生疑我將無得僧伽婆尸沙耶佛言無罪比丘爲母抱捉鳴說邪語是比丘失精心生疑我將無得僧伽婆尸沙耶佛言不得僧伽婆尸沙得突吉羅姊妹本第二先私通婦亦如是有比丘於新死女人脹女人青瘀女人髡爛女人蹴殘女人血塗女人乾枯女人腹壞女人骨女人身上出精得僧伽婆尸沙初僧伽婆尸沙竟

廿八

廿三

佛因迦留陀夷結戒先作無罪是迦留陀夷作是念生疑我多時摩觸女人身不知何時是先是不先是事白佛佛言迦留陀夷未結戒前摩觸女人身一切時不犯故名先作無罪比丘人女中生非人女想摩觸後生疑我將無得僧伽婆尸沙耶是事白佛佛言若人

女中生人女想摩觸得僧伽婆尸沙人女中
生非人女想摩觸僧伽婆尸沙人中女生疑
摩觸得僧伽婆尸沙非人女中生非人女想
摩觸偷蘭遮非人女中生人想摩觸偷蘭遮
非人女中生疑摩觸得偷蘭遮比丘以脚觸
觸女人身得突吉羅若女人以脚觸比丘

身無罪比丘捉女衣得突吉羅若女人捉比
丘衣無罪比丘捉女人鬢捉髮華捉瑱捉耳
瓔捉耳璫捉如是等女人莊嚴具偷蘭遮有
女人與比丘寫水水流不斷比丘於是女人
生邪心即生疑我將無得僧伽婆尸沙耶是
事白佛佛言不得僧伽婆尸沙得偷蘭遮比
丘爲母抱捉嗚說邪語心生疑我將無得僧
伽婆尸沙耶是事白佛佛言不得僧伽婆尸
沙得突吉羅姊妹本第二先私通婦亦如是
有比丘於新死女人脹女人青瘀女人爛女
人敗殘女人血塗女人乾枯女人腹壞女人
骨女人摩觸得偷蘭遮

廿六

共三

佛因迦羅比丘鹿子兒結戒先作無罪是比
丘生疑我多時媒嫁不知何時是先是不先
是事白佛佛言未結戒前迦羅比丘一切時
媒嫁不犯故名先作無罪有比丘常入出一
家中是比丘一時中前著衣持鉢至居士舍
與坐處坐已共相問訊居士小默然已語比
丘言汝能語某甲女人至我邊不比丘言我
能語彼不能還答汝居士言云何知此事得
成以不比丘言我當令比丘在某處立是比
丘作是語已出居士舍見一比丘語言汝小
住此中彼比丘言住此何爲答汝但住莫問
是比丘留彼比丘已便去居士出便見彼比
丘住所某處語言善哉善哉我事得成彼比
丘言得成何事居士答言何用問爲此是期
處先比丘生疑我將無得僧伽婆尸沙耶是
事白佛佛言不得僧伽婆尸沙得偷蘭遮有
比丘常入出一家是比丘一時中前著衣持
鉢到居士舍居士與坐處坐已共相問訊居

士小默然已語比丘言汝能語某甲女來不答言能比丘諦女人女人言我不須是事比丘生疑我將無得僧伽婆尸沙耶是事白佛佛言不得僧伽婆尸沙得偷蘭遮有夫婦相瞋不和合有一比丘常入出其家是比丘中前著衣持鉢到其舍與坐處坐已共相問訊是比丘令二人懺悔是二人懺悔已和合行欲比丘生疑我將無得僧伽婆尸沙耶是事白佛佛言人有三種婦一用財得二禮法得三破壞得是三種婦若作券言非我婦禮法未斷猶故出入來唱言非我婦比丘和合是婦得偷蘭遮是三種婦若作券言非我婦禮法已斷不復出入而未唱言非我婦爾時比丘和合得偷蘭遮是三種婦若已作券言非我婦禮法已斷不復出入已唱言非我婦爾時媒合得僧伽婆尸沙一比丘常入出一家是比丘中前著衣持鉢到居士舍與坐處坐已共相問訊居士小默然已語比丘言汝能

語某甲姪女來不比丘言我當語即往語是姪女來向居士道中爲餘人將去是比丘生疑我將無得僧伽婆尸沙耶是事白佛佛言不得僧伽婆尸沙得偷蘭遮有一比丘常入出一居士家是比丘中前著衣持鉢到居士舍與坐處坐已共相問訊居士小默然已語比丘言汝能語某甲女人來不比丘言能即往語是女人莊嚴身欲往夫即來入以是因緣不得去比丘生疑我將無得僧伽婆尸沙耶是事白佛佛言不得僧伽婆尸沙得偷蘭遮有一比丘入出一家是比丘中前著衣持鉢到是居士舍與坐處坐已共相問訊居士小默然已語比丘言能語某甲女來不比丘言能即往語女人便許是女人生念我至彼必不得睡今先睡已當往女人睡至地了竟不得去比丘生疑我將無得僧伽婆尸沙耶是事白佛佛言不得僧伽婆尸沙得偷蘭遮有一居士貪著一女人至此女人所言聽我

作姪欲女人答言我今遠居士言我云何知汝閑時女人言有一比丘常出入我舍我遣是比丘打汝背當知我閑是比丘中前著衣持鉢至其舍與坐處坐已共相問訊女人語比丘言往打某甲背比丘言何以故女人言但往打莫問比丘即往以拳打居士背居士

廿八

廿五

言事成已比丘言何所成居士言是某事也比丘生疑我將無得僧伽婆尸沙耶是事白佛佛言不得僧伽婆尸沙得偷蘭遮有一比丘常入出一家是比丘中前著衣持鉢到居七舍與坐處坐已共相問訊居士小因緣已語比丘言大德能語某甲女人來不比丘言我等不應作使汝急欲見者當爲衆僧作會我當請是女人來居士即與比丘會直比丘以是直與衆僧作會請是女人來居士於中得共女人作姪欲比丘生疑我將無得僧伽婆尸沙耶是事白佛佛言不得僧伽婆尸沙得偷蘭遮有一賈客婦盛有容色有一居士

欲共私通彼婦不從其夫命終有小因緣居士不聽餘人出入其舍其母問其女言頃有方便可得使人出入不女人言有母問是誰答彼居士爲我故數數遣信欲共我通我不從母言汝可從其意以汝故令多人得樂女言當使誰語母言可使常入出比丘語有一

比丘常入出其家中前著衣持鉢入其舍與坐處坐已共相問訊已問言大德能語某甲居士如是如是事不答言能即往語居士便往比丘生疑我將無得僧伽婆尸沙耶是事白佛佛言不得僧伽婆尸沙得偷蘭遮有一居士作僧坊常供給是處衣被飲食湯藥資生所須是居士後少時便死更無人供給是我當請是女人來居士即與比丘會直比丘婦邊語言汝何以不供給是處衆僧衣被飲食湯藥資生所須居士婦言大德是居士福德男健本所供給皆是其力大德汝若能令某甲居士此間處分作務若爾可得供給比

丘到彼居士邊語言汝能與某甲居士婦在外處分作務不彼居士言我家自多事處分不遍比丘言爲受爲供養塔僧人故是居士信佛法僧故便言能是居士常入出與居士婦和合比丘生疑我將無得僧伽婆尸沙耶是事白佛佛言無罪有一居士作僧房常供

廿八廿六

給是處衣被飲食湯藥資生所須是居士婦死更無有人供給是處衣被飲食湯藥資生所須有一比丘到居士所語言汝何以不復供給僧房中諸比丘衣被飲食湯藥資生所須居士言大德是婦有大福德本所供給皆是其力汝若能令某甲居士婦修理我家內事處分者可得供給比丘即到居士婦邊語言汝能與某甲居士在內修理家事不居士婦言大德我家中自多事務處分不遍比丘言爲受爲供養塔僧人故是居士婦信佛法僧故便言能是婦常入出故與居士共和合比丘生疑我將無得僧伽婆尸沙耶是事白

佛佛言無罪有一比丘常入出一家是比丘中前著衣持鉢到居士舍與坐處坐共相問訊小默然已居士語比丘言大德汝能語某甲女人來不答言能即往語彼女人居士及彼女人俱時得病不得和合比丘生疑我將無得僧伽婆尸沙耶是事白佛佛言不得僧伽婆尸沙得偷蘭遮有一比丘常入出一家是一比丘中前著衣持鉢入是舍舍主婦人與坐處坐共相問訊小默然已婦人語比丘言大德汝能語某甲居士來不答言能即往語婦人及居士俱得病不得和合比丘生疑我將無得僧伽婆尸沙耶是事白佛佛言不得僧伽婆尸沙得偷蘭遮有比丘常入出一家是比丘中前著衣持鉢入是舍居士與坐處坐共相問訊小默然已語比丘言大德汝能爲我兒故語某甲居士與我兒若姊若妹若女不答言能便往語是居士兒及彼女俱時得病脊癆發更嬾餘人是比丘生疑我

將無得僧伽婆尸沙耶是事白佛佛言不得僧伽婆尸沙得偷蘭遮比丘問佛如人有可能語優婆塞非人亦當有耶佛言有得道天是又問女人有可信語優婆夷非人女亦當有耶佛言有得道天女是比丘語餘人我能虛空中結跏趺坐是比丘空無是事得波羅夷又言我能變一身爲多身多身還爲一身我以智慧若現事不現事皆能通達牆壁山樹能過無礙出沒地中如出入空覆水如地凌虛如鳥是日月有大威德我能不動以手摩捫乃至梵世往來自在是事若空無實得波羅夷比丘問佛頗有比丘作不淨衣著不得

波逸提耶佛言有若衣經淨緯不淨緯淨經不淨若二俱不淨不淨者若駱駝毛牛毛羖羊毛若雜色著如是不淨衣得突吉羅問毗尼中說比丘不應畜長髮若頭上有瘡當云何佛言以剪刀剪知問比丘得淨食以疑心歟作是念此食爲淨爲不淨得何罪耶佛

言得突吉羅問頗有比丘爲女人說法過五六語不得波逸提耶佛言有若作書若手示相若遣使與天女龍女夜叉餓鬼女毗舍遮女鳩槃茶女羅刹女說法過五六語得突吉羅問頗有比丘過第三重覆舍不得波逸提耶佛言有若先作舍以板隨意覆問頗有比丘與女人期共道行不得波逸提耶佛言有比丘與天女期共道行若龍女夜叉女餓鬼女毗舍遮女鳩槃茶女羅刹女期共道行得突吉羅問云何漱口佛言以水著口中三迴轉是名漱口問頗有比丘別衆食不得波逸提耶佛言若虛空中食是問頗比丘噉食得

廿八

六八

波羅夷耶佛言有若以盜心食是問頗有比丘食家中坐不得波逸提耶佛言有若女人受一日戒男子不受是家中坐得突吉羅若男子受一日戒女人不受是家中坐亦突吉羅若二俱受一日戒是家中坐無罪問頗有比丘食家中獨與一女人共坐不得波逸提

耶佛言若女人受一日戒男子不受是中坐得突吉羅若男子受一日戒女人不受是中坐得突吉羅若二俱受不犯問頗有比丘往觀軍發行不得波逸提耶佛言若往觀夜叉軍得突吉羅問頗有比丘語餘比丘言共我去至諸家當與汝多羨飲食是比丘後時語彼比丘我不喜與汝若坐若語我獨坐獨語樂不得波逸提耶佛言若未至他舍里卷中語令還得突吉羅若僧坊中語無罪問頗有比丘無病入白衣舍從非親里比丘尼自手受飲食不得波羅提提舍尼耶答曰有若比丘尼自持飲食就白衣舍與比丘自手受無罪問頗比丘尼約勒白衣與如是飯如是羹比丘食不得波羅提提舍尼耶答曰有若比丘尼是比丘親里勸與食比丘不呵而食得突吉羅